

BASES XERAIS DE ADMISIÓN DO CURSO DE FORMACIÓN “TRABALLOS FORESTAIS, CONSERVACIÓN DO MEDIO NATURAL E MANEXO DE MAQUINARIA E FERRAMENTAS FORESTAIS”

Índice

1	PERSOAS DESTINATARIAS	2
2	SOLICITUDES	2
3	DOCUMENTACION A PRESENTAR	2
4	PRAZO DE INSCRIPCIÓN	3
5	SELECCIÓN DE PARTICIPANTES	3
6	LISTA PROVISIONAL E DEFINITIVA DE ADMITIDOS/AS.....	4
7	TRIBUNAL CUALIFICADOR.....	4
8	LISTADO DE PUNTUACIÓNS	5
9	LISTADO DE PERSOAS SELECCIONADAS	5
10	REXIMEN DE ASISTENCIA E CERTIFICADOS.....	5
11	PROTECCIÓN DE DATOS.....	6
12	CONTACTO	6
13	PROGRAMA FORMATIVO	6

1 PERSOAS DESTINATARIAS

Este curso está destinado principalmente a persoas con especiais dificultades de inserción laboral e **alto grao de interese na formación forestal** para a mellora da súa empregabilidade e que estean en posesión de estudos básicos (exb, graduado escolar, ESO..)

2 SOLICITUDES

As solicitudes a este programa formativo, segundo o modelo de ficha que se anexa, dirixiranse ao presidente da Mancomunidade de Municipios Arousa Norte e presentaranse mediante algún destes medios:

Rexistro da Mancomunidade de Municipios Arousa Norte (Praza de Galicia, 2º andar- Casa do Concello de Boiro), de luns a venres en horario de 9.00 a 13.30 h.

Por correo postal certificado.

Non se admitirán as solicitudes que non teñan cubertos todos os seus apartados e se remitan por correo electrónico.

A falsidade ou ocultación de datos esenciais para a selección de participantes dará lugar a exclusión automática do programa formativo.

3 DOCUMENTACION A PRESENTAR

DOCUMENTACIÓN OBRIGATORIA

Para poder asistir como alumno/a deberán de **presentar a seguinte documentación** xunto coa solicitude de inscrición (a documentación debe estar vixente):

- Para nacionais: Fotocopia do DNI, pasaporte ou permiso de condución ou no seu lugar, acreditación de extravío ou subtracción do DNI.

- Para estranxeiros: Fotocopia de NIE, TIE ,pasaporte ou permiso de residencia que acredite a súa nacionalidade.

DOCUMENTACIÓN OPTATIVA

Para poder acadar maior puntuación, as persoas aspirantes poderán presentar a seguinte documentación que **terá que estar actualizada**:

- Tarxeta de demandante de emprego
- Fotocopia ou orixinal do informe da condición de colectivo de especial dificultade de inserción laboral realizado por un/unha traballador/a social dunha entidade pública
- Fotocopia ou orixinal do volante de empadramento.

A documentación que non estea actualizada non se terá en conta para a súa puntuación.

4 PRAZO DE INSCRICIÓN

O prazo para presentar as solicitudes **empezará o día 8 de setembro de 2014 e rematará o 16 de setembro de 2014 en horario de rexistro (de 9.00 a 13.30 h de luns a venres).**

No caso de non cubriren as prazas poderase ampliar o prazo de presentación de solicitudes.

5 SELECCIÓN DE PARTICIPANTES

Os participantes para o programa formativo seleccionaranse seguindo os seguintes criterios:

1 Desempregados (10 puntos)

Acreditarase mediante fotocopia da tarxeta de demandante de emprego.

2 Residir en calquera dos concellos de Arousa Norte (Riveira, A Pobra do Caramiñal, Boiro ou Rianxo) (8 puntos)

Acreditarase mediante fotocopia ou orixinal do volante de empadramento.

3 Persoas con especiais dificultades de inserción laboral (5 puntos)

Acreditarase mediante fotocopia ou orixinal do informe da condición de colectivo de especial dificultade de inserción laboral realizado por un/unha traballador/a social dunha entidade pública. As persoas perceptoras do RAI , RISGA , axudas por desemprego non contributivas ou a non percepción de subsidios por desemprego poderán acreditarlo mediante o informe do/a traballador/a social dunha entidade pública.

4 Entrevista persoal (máximo 5 puntos)

Pasarán a esta fase como máximo as 48 persoas con maior puntuación, nos que se valorará a actitude, a aptitude e o interese na formación forestal.

O lugar, a hora e a data da entrevista será comunicada aos interesados dende a Mancomunidade de Municipios Arousa Norte.

5 Por orde de inscrición

En todo caso terán preferencia as persoas que non realizaran un curso similar de formación forestal na Mancomunidade Arousa Norte fronte as persoas que si o realizaran.

6 LISTA PROVISIONAL E DEFINITIVA DE ADMITIDOS/AS

Rematado o prazo de inscrición, publicarase ⁽¹⁾ o listado provisional de admitidos/as e de excluídos/as. Unha vez publicado o listado provisional, as persoas interesadas disporán dun prazo de **3 días hábiles** para presentar as alegacións oportunas.

Resultas as alegacións e de estar todas as persoas admitidas publicarase ⁽¹⁾ o listado definitivo das persoas admitidas no proceso selectivo.

7 TRIBUNAL CUALIFICADOR

Logo de publicar o listado definitivo, reunirase o tribunal cualificador para valorar a documentación presentada. O tribunal estará composto das seguintes persoas:

Ricardo Fernández Fernández, secretario da Mancomunidade

Irene Maneiro Paz, xerenta da Mancomuniade de Municipios Arousa Norte

Ana I. Outeiral del Rio, administrativa da Mancomunidade de Municipios Arousa Norte

8 LISTADO DE PUNTUACIONES

Valorada a documentación polo tribunal, publicarase ⁽¹⁾ o listado de puntuacións, neste listado mostrarase as persoas que terán que pasar a entrevista, así como o lugar, data e hora da entrevista.

9 LISTADO DE PERSOAS SELECCIONADAS

Logo da realización da entrevista, publicarase ⁽¹⁾ o listado final das puntuacións indicando as persoas seleccionadas para a realización do curso formativo.

10 REXIMEN DE ASISTENCIA E CERTIFICADOS

A expedición de certificados de asistencia supeditase á acreditación dunha presenza mínima do 80% das horas do curso de formación, ademais da valoración global realizada pola empresa do alumno/a. Terase en conta para a súa valoración a actitude do alumno/a, así como o seu comportamento no desenvolvemento da actividade formativa.

Poderase penalizar por expulsión da actividade formativa por faltas de actitude e de comportamento, podendo penalizar esta entidade ao alumno/a en outras actividades formativas que realice a Mancomunidade.

As persoas admitidas que por calquera circunstancia sobrevida non poidan asistir, deben renunciar mediante un escrito ou email remitido á Mancomunidade de Municipios Arousa Norte antes de comezar o curso.

No caso de non confirmar antes do inicio do curso a non asistencia ou de abandonar o curso dará lugar a exclusión de participación en outros cursos organizados pola Mancomunidade Arousa Norte polo período dun ano.

Tras finalizar o curso e unha vez comprobado o réxime de asistencia e as valoracións emitiranse os certificados correspondentes. Os participantes deberán recollelo nas oficinas da Mancomunidade en horario laboral.

11 PROTECCIÓN DE DATOS

De conformidade co disposto na Lei orgánica 15/1999 de protección de datos de carácter persoal da **Mancomunidade de Municipios ría de Arousa zona norte** (en adiante Mancomunidade AN), con C.I.F. P1500018E e enderezo en **Praza de Galicia, sn, Boiro** infórmalle que os datos facilitados formarán parte do ficheiro de datos “formación” (en adiante “ficheiro”), debidamente inscrito ante a Axencia Española de Protección de Datos.

Os datos son recollidos coa finalidade de xestionar a inscrición do alumnado no curso de formación “ traballos forestais, conservación do medio natural e manexo de maquinaria e ferramentas forestais”.

Os datos de carácter persoal incorporados no ficheiro serán facilitados a empresa que xestionará o curso de formación.

Calquera usuario/a poderá exercer os dereitos ARCO (acceso, rectificación, cancelación e oposición) sobre os seus datos persoais así como o de revogación do consentimento para calquera das finalidades antes sinaladas, enviando á Mancomunidade AN unha carta debidamente asinada o seguinte enderezo: Praza de Galicia, sn 15930 Boiro, no que consten claramente os datos de contacto, á cal deberá acompañarse fotocopia de seu DNI/NIF/NIE ou documento que acredite a súa identidade.

12 CONTACTO

Para calquera dúbida en relación a este programa formativo poden poñerse en contacto coa Mancomunidade de Municipios no teléfono 981 845 236 ou por correo electrónico (correo@arousa-norte.es) .

13 PROGRAMA FORMATIVO

CURSO: Traballos forestais, conservación do medio natural e manexo de maquinaria e ferramentas forestais.

NÚMERO DE HORAS: 120 h – 30 h teóricas , 90 h prácticas

PRAZAS: O número de prazas para este curso é de 24 prazas (12 por edición)

NÚMERO DE EDICIÓNS: 2

OBXECTIVOS:

Os obxectivos da realización desta formación son os seguintes:

- Ofrecer medios e recursos para inserción laboral de colectivos de persoas con especiais dificultades.
- Informar das potencialidades de negocio no sector forestal.
- Formar a colectivos en risco sobre os traballos forestais e do medio natural
- Promover o emprendemento cooperativo como opción de emprego

CONTIDOS:

Parte teórica: 30 horas

Módulo 1 | Protocolo de actuación no mantemento dos recursos patrimoniais: 2,5 horas.

Módulo 2 | Aproveitamentos dos residuos forestais xerados nos desbroces: 2,5 horas.

Módulo 3 | A maquinaria e as ferramentas de traballo: 5 horas.

Módulo 4 | Realización de traballos forestais: 5 horas.

Módulo 5 | Conservación do medio natural: 5 horas

Módulo 6 | Emprendemento no ámbito forestal: 10 horas

Parte práctica: 90 horas

Roza: 24 horas

Poda: 24 horas

Selección de brotes: 8 horas

Apeo, desramado e troceado: 18 horas

Inventario: 13 horas

Mantemento de maquinaria e ferramentas: 3 horas e ao longo de todo o curso

Identificación de especies arbóreas forestais: ao longo de todo o curso

DATAS, HORARIOS E EDICIÓNS DO CURSO

EDICIÓN 1 – CONCELLO DE POBRA DO CARAMIÑAL

Lugar: parroquia pertencente ó Concello da Pobra do Caramiñal pendente de determinar.

Datas; do 1 ao 21 de outubro, de luns a venres en horario de 9.00 a 14.00 e de 15.30 a 18.30 h. (*)

outubro 2014						
Luns	Martes	Mércores	Xoves	Venres	Sábado	Domingo
		1	2	3	3	5
6	7	8	9	10	11	12
13	14	15	16	17	18	19
20	21					

Días lectivos | días non lectivos

**Nota: as datas poden variar*

EDICIÓN 2- CONCELLO DE BOIRO

Lugar: parroquia pertencente ao Concello de Boiro pendente de determinar.

Datas; do 23 de outubro ao 12 de novembro, de luns a venres en horario de 9.00 a 14.00 e de 15.30 a 18.30 h. (*)

outubro - novembro 2014						
Luns	Martes	Mércores	Xoves	Venres	Sábado	Domingo
			23	24	25	26
27	28	29	30	31	1	2
3	4	5	6	7	8	9
10	11	12				

Días lectivos | días non lectivos

**Nota: as datas poden variar*

NOTA: Este curso está financiado 100% pola Deputación da Coruña.

Nota ⁽¹⁾: As publicacións realizaranse no blog de emprego da Mancomunidade de Municipios Arousa Norte (<http://arousanortemprego.wordpress.com/>) e no taboleiro de anuncios da Mancomunidade.

Bases aprobadas por decreto de presidencia con data de 04/09/2014